

Sanginnte leh naupang kumtawmte damlohna vaihawmpihna

Ih kiim-leh-paam ah coronavirus (COVID-19) kilawhzaakna a tawmtheih nadingin ih septhaih a thupipen te sungah khat in ih ci a nop keileh inn ah om ding, natna kilangsak (symptoms) neupen khat ih nei phial zongin inn ah om ding ahi hi.

Theih ding a kism te

Naupangte a ci a nop keileh, natna kilangsak (symptoms) neuno pen khat ahi phial zongin inn ah om hamtang ding uhhi

Naupangte sun sungin cidam loin a om leh, sanginn/naupang kumtawmte pilsinna sang leh naupang kepna (ECEC) pan a manlang thei penin sapkhiat ding kism hi.

Naupangte in a nuai-a coronavirus (COVID-19) natna kilangsak (symptoms) khatpeuh na neih leh, a nasia lo ahi phial zongin, kisit a, kisitna phi a kitel dong inn ah a om hamtang dinguh kism hi:

- nattun
- khuasik ahihkeh khua-ul kai
- bukkhuh
- gawlina
- husamh naklah
- nap tui
- anam za lo, ankam limlo

lutangna, ci-le-sa na, nap tui, sungnim, lua, sungpai cihte zong natna kilangsak (symptoms) in kingaihsun thei hi.

Ngaihsutpiak nading:

- nai-24 coronavirus (COVID-19) hotline 1800 675 398 hopih in
- cina tuamtuum a en siavuante sam in
- Cidamnam Zum (Department of Health - DHS) [online pan ei-leh-ei kisittelna](#)

En in: [Kisit nading mun](#).

Naupangte in coronavirus (COVID-19) kisitna ah negative ahi phial zongin natna kilangsak (symptom) nei lo acih masiah inn ah om hamtang ding hi

Mi khatpeuh in coronavirus (COVID-19) kisitna positive ahihkeh natna ngahsa khat tawh a omkhawm kha ngei khatin a kiciapteh leh, cidamna zum DHS pan natna beisiang cihna a ngah masiah khatguak om/tuamom hamtang ding uhi.

Khuahunzui nattun ahihkeh awmbing natna cihbang a kilangkha lo damlohnate hangin a dam thei paklo natna kilangsak (symptoms) nei in tua (symptoms) te pongman natna in a nei naupangte ECEC/sang kah zom thei ding uhi. A tuamdang ahihkeh natna ngeinate sangin a hoihlo zaw natnate a neihthuah uh leh COVID-19 kisit huai hi. Bukkhuh ahihkeh nap tui cihbang COVID-19 natna kilangsak (symptoms) tawh a kibang a damsang thei lo natnate na neih leh, ECEC/sang kah theih nadingin a siavuan (GP) te kiang pan zato lai lak ding ngaihsut huai hi.

A kumtawm naupangte (pre-school pan Grade 2 dong) in nap tui ahihkeh bukkhuh cihbang a piangsa natna kilangsak (symptoms) te a hun saausak zaw thei in, natna kilangsak (symptoms) te beisiang ahi kei zongin COVID-19 kisitna negative hih khitah sang/ECEC kahkik thei ding uhi. Cidam ahihkeh a damlohna lian pan damkik khin cih kipsak nadingin a siavuan GP te kiang pan zato lai kizam ding hi.

Damlohna dangte hangin sangnaupangte leh naupangte in inn ah om ding a kisaplam uh hun tomno sungin thulehlate theih nadingin, [DHS sang kahloh ding lahna sazian](#) en in.

Naupangte in sang/ ECEC a kahkik ma un, zato lai kizam LO hi

Natna kilangsak (symptoms) te a beisiang khit nak leh, Pilsinna leh Siamsinna lam Zum (Department of Education and Training) ahihkeh DHS pan ahi zongin, naupangte/sangnaupangte ading sang/ECEC a kahkik ma un zato lai neih ding bangmah kizam lo hi.

A nuai-ate tawh nong panpih manin lungdam hi. Ih vekin bittak ih omkhawm thei hi.

Hih ngaihsut piakna pen Pilsinna leh Siamsinna lam Zum (Department of Education and Training), Victoria A Bitzaw Kikepna (Safer Care Victoria) leh Cidamnam lam Zum (Department of Health) pan a kibawl ahi hi